

CBETA電子佛典集成


CBETA Chinese Electronic Tripitaka Collection
ebook

X56n0925

十不二門義

唐 道邃錄出

中華電子佛典協會



目次

- [編輯說明](#)
- [章節目次](#)
 - [十不二門義](#)
 - [考異](#)
 - [No. 925-A](#)
- [卷目次](#)
 - 1.
- [贊助資訊](#)

編輯說明

- 本電子書以「CBETA 電子佛典集成 Version 2023.Q1」為資料來源。
- 漢字呈現以 Unicode 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 service@cbeta.org 回報。
- 版權所有，歡迎自由流通，但禁止營利使用。

No. 925
十不二門義

然此迹門談其因果及以自他。使一代教門融通入妙。故凡諸義釋皆約四教及以五味。意在開教悉入醍醐。觀心乃是教行樞機。仍且略點寄在諸說。或存或沒非部正意。故縱有施設詫事附法。或辨十觀列名而已。所明理境智行位法能化所化。意有能詮。詮中咸妙。為辨詮內始末自他。故具演十妙搜括一化出世大意。罄無不盡。故不可不了十妙大經。故撮十妙為觀法大體。若解迹妙本妙非遙。應知但是離合異耳。因果義一自他何殊。故下文云。本迹雖殊不思議一。況體宗用只是自他因果法故。況復教相只是分別前之四章。使前四章與諸文永異。若曉斯旨則教有歸。一期縱橫不出一念三千世間即空假中理境。乃至利益咸爾。則止觀十乘成今自行因果。起教一章成今化他能所。則彼此照著法華行成。使功不唐捐所詮可識。故更以十門收攝十妙。何者。為實施權則不二而二。開權顯實則二而不二。法既教部咸開成妙。故此十門不二為目一々門下以六即檢之本文已廣引誠證。此下但直申一理。使一部經旨皎在目前。一者色心不二門。二者內外不二門。三者修性不二門。四者因果不二門。五者染淨不二門。六者依正不二門。七者自他不二門。八者三業不二門。九者權實不二門。十者受潤不二門。

是中第一從境妙立名。第二第三從智行立名。第四從位法立名。第五第六第七從感應神通立名。第八第九從說法立名。第十從眷屬利益立名。

一色心不二門者。且十如境乃至無諦一々皆有總別二意。總在一念。別分色心。何者。初十如中相唯在色。性唯在心。體·力·作·緣義兼心色。因果唯心。報唯約色。十二因緣苦業兩兼。惑唯在心。四諦則三兼色心。滅唯在心。二諦三諦皆俗具色心。真中唯心。一實及無准此可見。既知別已攝別入總。一切諸法無非心性。

一性無性三千宛然。當知心之色心即心名變。々名為造。々謂體同。是則非色非心而色而心唯色唯心。良由於此。故知但識一念遍見己他。々生他佛尚與心同。況己心生佛寧乖一念。故彼彼境法差而不差。

二者內外不二門者。凡所觀境不出內外々。謂託彼依正色心即空即中。空中妙故心色體絕。唯一實性無空假中。色心宛然豁同真淨。無復眾生七方便異。不見國土淨穢差品。而帝網依正終日炳然。所言內者。先了外色心一念無念。唯內體三千即空假中。是則外法全為心性。心性無外攝無不周。十方諸佛法界有情。性體無殊一切咸遍。誰云內外色心己他。此即用向色心不二門成。

三修性不二門者。性德只是界如一念。此內界如三法具足。性雖本爾藉智曰修。由修照性由性發修。在性則全修成性。起修則全性成修。性無所移。修常宛爾。修又二種。順修逆修。順謂了性為行。逆謂背性成迷。々了二心々雖不二。逆順二性々事恒殊。可由事不移心則令迷修成了。故須一期迷了。照性成修見性修心二修俱泯。又曉順修對性有離有合。離謂修性各三。合謂修二性一。修二各三共發性三。是則修雖具九九只是三。為對性明修故合修為二。々與一性如水為波。二亦無二亦如波水。應知性指三鄣是故具三。修從性成々三法爾。達無修性唯一妙乘。無所分別法界洞朗。此由內外不二門成。

四因果不二門者。眾生心因既具三軌。此因成果名三涅槃。因果無殊始終理一。若爾因德己具何不住因。但由迷因各自謂實。若了迷性實唯住因。故久研此因因顯名果。只緣因果理一。用此一理為因。理顯無復果名。豈可仍存因號。因果既泯理性自亡。只由亡智親疎。致使迷成厚薄。迷厚薄故。強分三惑義開六即。名智淺深。故知夢勤加功空名惑絕。幻因既滿鏡像果圓。空像雖即義同而空虛像々。實々故稱理本有。空虛故迷轉性成。是則不二而二立因果

殊。二而不二始終體一。若謂因異果。因亦非因。曉果從因々方尅果。所以三千在理同名無明。三千果成咸稱常樂。三千無改無明即明。三身並常俱體俱用。此以修性不二門成。

五染淨不二門者。若識無始即法性為無明。故可了今即無明為性法。法性之無明遍造諸法名之為染。無明之法性遍應眾緣號之為淨。濁水清水波濕無殊。清濁雖由緣而濁成本有。濁雖本有而全體是清。以二波理通舉體是用。故三千因果俱名緣起。迷悟緣起不離剎々那々。性常緣起理一々理之內而分淨穢別則六穢四淨。通則十通淨穢。故知剎那染體悉淨。三千未顯驗體仍迷。故相似位成六根遍照。々分十界各具灼然。豈六根淨人謂十定十。分真垂迹十界亦然。乃由果成等彼百界。故須初心而遮而照。々故三千恒具。遮故法爾空中。終日雙亡終日雙照。不動此念遍應無方。隨感而施淨穢斯泯忘淨穢故。以空以中仍由空中轉染為淨。由了染淨空中自亡。此以因果不二門成。

六依正不二門者。已證遮那一體不二。良由無始一念三千。以三千中生。陰二千為正。國土一千屬依。依正既居一々心々豈分能所。雖無能所依正宛然。是則理性。名字。觀行已有不二正依之相。故使自他因果相攝。但眾生在理果雖未弁。一切莫非遮那妙境。然應復了諸佛法體非遍而遍。眾生理性非局而[尸@句]。始終不改大小無妨。因果理同依正何別。故淨穢之土勝劣之身。塵身與法身量同。塵國與寂光無異。是則一々塵剎一切剎。一々塵身一切身。廣狹勝劣難思議。淨穢方所無窮盡。若非三千空假中。安能成茲自在用。如是方知生佛等。彼此事理互相收。此以染淨不二門成。

七自他不二門者。隨機利他事乃憑本。々謂一性具足自他方至果位。自即益他。如理性三德三諦三千。自行唯在空中。利他三千赴物。々機無量不出三千。能應雖多不出十界。々界轉現不出一念。土々互生不出寂光。眾生由理具三千故能感諸佛。由三千理滿故能

應々遍。機遍欣赴不差。不然豈能如鏡現像。鏡有現像之理。形有生像之性。若一形對不能現像。則鏡理有窮形事未通。若與鏡隔則容有是理。無有形對而不像者。若鏡未現像由塵所遮。去塵由人磨。像非關磨者。以喻觀法大旨可知。應知理雖自他具足。必藉緣了為利他功。復由緣了與性一合。方能稱性施設萬端。則不起自性化無方所。此由依正不二門成。

八三業不二門者。於化他門事分三密。隨順物理得名不同。心輪鑿機二輪設化。現身說法未曾毫差。在身分於真應。在法分於權實。二身若異何故乃云即是法身。二說若乖何故乃云皆成佛道。若唯法身應無垂世。若唯佛道誰施三乘。身尚無身說必非說。身口平等等彼意輪。心色一如不謀而化。常冥至極稱物施為。豈非百界一心。界々無非三業。界尚一念三業豈殊。果用無虧因必稱果。若信方知三密本有。百界三業俱空假中。故使稱宜遍赴為果。一々應色一々言音。無不百界三業具足。化復作化斯之謂歟。故一念凡心已有理性三密相海。一塵報色同在本理毗盧遮那。方乃名為三無差別。此以自他不二門成。

九權實不二門者。平等大慧常鑿法界。亦由理性九權一實。々復九界權亦復然。權實相冥百界一念。不可分別任運常然。至果乃由契本一理。非權非實而權而實。此即如前心輪自在。致令身口赴權實機。三業一念無乖權實。不動而施豈應隔異。對說即以權實立稱。在身則以真應為名。三業理同權實冥合。此以三業不二門成。

十受潤不二門者。物理本來性具權實。無始薰習或實或權。々實由薰理恒平等。遇時成習行願所資。若無本因薰亦徒設。遇薰自異非由性殊。性雖無殊必藉幻發。幻機幻感幻應幻赴。能應所化並非權實。然由生具非權非實成權實機。佛亦果具非權非實為權實應。物機契應身土無偏。同常寂光無非法界。故知三千同在心地。與佛心地三千不殊。四微體同故權實益等。此以權實不二門成。

是故十門々門通入色心。乃至受潤咸然。故使十妙始終理一。如境本具三依理生解。故名爲智々解導行。々解契理。三法相符不異而異。而假立淺深設位簡濫三法。只是證彼理三。下之五章三法起用。三法既是一念三千既空假中成故有用。若了一念十方三世諸佛之法本迹非遙。故重述十門令觀行可識。首題既爾。覽別爲總符文可知。

十不二門義(終)

點本云。元久元年六月二十八日依朱點本移點畢 沙門心性(云云)

- 傳教大師將來台州錄云。十不二門義一卷
- 同越州錄云。十不二科文一卷
- 智證大師將來目錄云。十不二門義一卷(妙樂)
- 諸師製作書目錄云。十不二門義一卷(妙樂大師)
- 諸宗書籍目錄(延喜十四年玄日大法師奉勅撰)云。十不二門義。止觀和尚述
- 大師撰述目錄(修禪和尚所記)云。十不二義集(一卷十二紙)

考異

十不二門義

示珠指作法華十妙不二門。註十不二門作法華本迹十不二門。指要鈔・文心解及明藏本並作十不二門。顯妙解作法華玄記十不二門○今謂義同四種四諦義。七種二諦義。三諦義。四悉檀義。十法界義等之義。義字不可無也。

然此

近刻本點然字讀シカルニ或シカモ古本不讀然字。然此二合訓コノ者。與今本同○今案然此合訓。例猶論語如示諸斯(文)。其斯之謂(文)。廣韻・龍龕手鑑並云。然。語助也。又如也。是也(文)。又案

禮記云。穆公召縣子而問然曰(文)。注云。然。之言焉也(文)。嘉應元年清原氏點本禮記。問字讀トフテ。而於然字傍細注不讀。

皎

註十・文心・顯妙・明本・永正書寫本並作皎。寬喜書寫本・示珠弘安板釋籤・貞治書寫釋籤・元和活板科本釋籤・惠心僧都點板本科籤・寬永書寫科籤並與今本同。

心色

註十・顯妙・明本並作色心。寬喜本・示珠・宋藏・釋籤・弘籤・貞籤・科籤諸本並與今同。

及無

顯妙無字下加諦字。

體同

註十・指要・文心・顯妙・明本・日遠記・宋籤並作體用。寬喜本・永正本・示珠猪熊鈔・惠海談・日朝記・弘籤・貞籤・科籤諸本並與今同○今謂下。有尚與心同因果理同四微體同之語。文義一轍也。作用之訛可知。

己他

註十・指要・文心・顯妙・明本・宋籤並他字下加生佛二字。寬喜本・示珠・日朝・弘籤・貞籤・科籤諸本並與今同○今謂己即心法三千。他者生佛三千。於遍見字其義自見。何煩添字為。

即空即中妙故心色

註十・指要・文心・明本・宋籤並作即空假中即空假中妙故色心。寬喜本・永本・示珠・猪熊・日朝・弘籤・貞籤・科籤諸本並與今

同○今謂下有法爾空中以空以中乃至唯在空中之語。皆以空中對假而說。妄加假字者。義不穩也。

終日炳焉

註十·指要·文心·顯妙·明本·宋籤並日作自。寬喜本·示珠·猪熊·弘籤·貞籤·科籤諸本並與今同○今謂以下終日雙亡終日雙照對見。此文不見差品即雙亡也。終日炳焉義當雙照。日字之允可見○近刻本日形長作。古本日形方作。與今同○今案陀羅尼對譯嘑曰哩字作方形。但明藏經曰作長形耳。凡唐已上書曰



二字俱作方形。是故古書遇二字或相疑之。尚書云。即命

日記功(文)。毛詩云。豈不曰戒(文)。並陸氏釋文云  音越。

一音人實反(文)。又案。說文云。  以口一象形 。古文象

形(文)。篇韻貫珠集云。六書之法一 。象形象物之形作字。

日月之字是也   (文)。口作方形則日形須然者。又說文

云  从口乙聲。亦象口氣出也。凡  之屬皆以  (文)。

書家者流說云。日者口左隅相連。  者缺隅不連。以分兩字

云云。毛晉校刊說文楷字曰 。如書家說。

智  修

註十·指要·文心·顯妙·明本·宋籤並作智起修。寬喜本智作知。而傍書智。示珠智作知。猪熊·惠海·日朝·弘籤·貞籤·科籤諸本並與今同○今謂修性即為理智。故云由修照性。若作起修。則下發修語煩重也。

一期

示珠期作其。寬喜本作其。而傍書期。自餘諸本與今同。

二修

註十·指要並作二心。

曉

註十作了。

波水

寬喜本·註十並作波為水。

知夢

示珠·註十·指要·顯妙·明本·宋籤並作如夢。寬喜本·弘籤·貞籤·科籤諸本並與今同。

空名

註十作空冥。

像々實々

一本作像實々々。其餘諸本作像實像實○今案。古卷本毛詩作嗟々嘆々之不足故。詠々歌々之不足故(文)。振々君子歸々哉々(文)。十三經本作嗟歎之嗟歎之(乃至)永歌之永歌之(文)。歸哉歸哉(文)。善相公奉管家書政事要略作努々力々。本朝文粹作努力努力。歐陽侑書幸々甚々。弘法大師書所々望々莫々責々。古書存者皆一例也。

性成

註十·指要·文心·顯妙·明本並作成性。宋籤作應成性。寬喜本·示珠·猪熊·弘籤·貞籤·科籤諸本並與今同。

因異果

寬喜本作因果異。而傍書異果。

三身並

註十·指要·文心·顯妙·明本並身作千。寬喜本·示珠·宋籤·弘籤·貞籤·科籤諸本並與今同○今謂此門初舉三軌三涅槃至此結之。若結三軌。以陰生土則不親也。守護章云。實教三身俱體俱用。可見不許三身俱體俱用者。同麤食者執見矣。

法性之(乃至)明之

註十·指要·文心·顯妙·明本·宋籤並二之字下有與字○今謂。古文之法詳曰之與。略曰與。曰之。其義是同。例如七之與八。或為七與八。或為七之八也。

號

註十作名。

雖由

註十·顯妙並作雖即由。

正依

寬喜本·示珠·註十·文心·顯妙並作依正。宋籤·弘籤·貞籤·科籤諸本與今同。

能應

註十作能化。

與鏡

文心·元和科籤並作形與鏡。

像非

示珠·宋籤並作像現非。註十·文心·顯妙·明本並作現像非。寬喜本作像現非。而現字墨抹。弘籤·貞籤·科籤諸本並與今同。

化無

示珠·宋籤並作應無。

界一心

示珠心作念。

若信

註十·指要·文心·顯妙·科籤諸本並信字下加因果二字。寬喜本·示珠·弘籤·貞籤並與今同。

本有

示珠·註十·指要·顯妙·明本·宋籤並作有本。寬喜本·文心·弘籤·貞籤·科籤諸本並與今同。

斯之

寬永科籤之作以。

亦由

一古本由字無。寬喜本有由而墨抹。

念不

註十作念亦不。

則以

一古本則字無。示珠·文心·顯妙·明本·宋籤並則作即。

或實或權

註十·文心·明本並作或權或實。寬喜本·示珠·顯妙·宋籤·弘籤·貞籤·科籤諸本並與今同○今謂上文心色正依此之實權。例之諸經。人天天人互用。孝經感應曰應感。其他如呂律陰陽。西東小大等。或依言便。或約義便。上下互用之類不尠。

理恒

明本恒作常。

幻赴

註十脫。

生具

文心作性具。

契應

註十·文心·顯妙·明本並作應契。

故權

示珠·註十·文心·顯妙並脫故字。

本具

註十·文心·顯妙·明本·宋籤並作本來具。

三法既

註十脫三法。

既空

示珠·註十·文心·明本並作即空。寬喜本·顯妙·弘籤·貞籤·科籤諸本並與今同。

覽

文心·顯妙·會本指要並作攬。寬喜本·示珠·註十·明藏指要·明本·永正本·弘籤·貞籤·科籤諸本並與今同○上曰攝別入總。今謂攝覽二字俱訓為取。文選文賦云。覽營魂以探蹟。瀆連珠云。覽影偶質不能解獨(文)。攬又訓觀。羲之蘭亭帖云。後之攬者亦將有感斯文(文)。覽攬音同義通。猶成城解懈頻噸章悵諸字音義俱通也。陸氏經典釋文云。音堪互用。義可並行(文)。蓋謂此類也。

No. 925-A

右十不二門義。以大原如來藏中古板本所翻刻也。此本傳為以根本大師手書所鏤板者。字樣之古雅。筆勢之飛動。與山家本法華經及開結二經無差毫末。則真大師手迹而存今千歲之後者。可謂無價寶珠也哉。如其訓點及元久等數字。蓋後人以朱所加也。又有一本尾記云。以慈覺大師之點點之。訓點亦出於祖師。可尚也。猪熊抄云。本朝古本者。山家將來本也。對邃滿(二師)而稟承之本。故雖一字不可有謬也。良大師航海之行。意在求善本教乘。故瑯琊道邃座主勾當書寫。台州陸淳刺史印記目錄。此書儼然載其目錄。又延喜年間勅撰目錄亦載此書也。可見山家本者本朝初傳之古本而為第一善本也。若宋僧知禮於指要鈔叨議本朝教乘者。蓋依不知本朝有此善本矣。況示珠指之作在宋雍熙三年丙戌。則後於延曆將來者百八十年。後於延喜目錄者七十餘年也。既有先傳之善本。何據後人之杜撰。指要所云不亦妄乎。今刻此善本。更對校諸本。彼此照著

使是非皎。凡宋本竄改不止。此書別作古本·宋本·明本優劣辨詳之。庶幾學者開擇法之眼。正得道之針云爾。

[CBETA 贊助資訊](#)

[.https://www.cbeta.org/donation/index.php](https://www.cbeta.org/donation/index.php)

自 2001 年 2 月 1 日起，CBETA 帳務由「財團法人西蓮教育基金會」承辦，並成立「財團法人西蓮教育基金會」－ CBETA 專戶，所有捐款至 CBETA 專戶皆為專款專用，歡迎各界捐款贊助。

您的捐款本協會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

信用卡線上捐款

本線上捐款與聯合信用卡中心合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

[前往捐款](#)

信用卡（單次 / 定期定額）捐款

本授權書可提供單次捐款或定期定額捐款之用途。

請於下載並填妥捐款授權書後，請傳真至 02-2383-0649，並請來電 02-2383-2182 確認。

或掛號寄至 10044 台灣台北市中正區延平南路 77 號 8 樓 R812 財團法人西蓮教育基金會收。

請在此下載 [授權書](#) (MS Word 格式)

劃撥捐款

郵政劃撥帳號: 1 9 5 3 8 8 1 1

戶名: 財團法人西蓮教育基金會

欲指定特殊用途者, 請特別註明, 我們會專款專用。

線上信用卡 / PayPal 捐款

PayPal 是一個跨國線上付款機制的公司, CBETA 引用其服務, 提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project .

相關收據開立事宜, 由於付款幣別為美元, 我們除了會依您所贊助之美元金額開立收據外, 另我們會依捐款當日公告匯率開立台幣收據, 此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

[線上信用卡 / PayPal 贊助](#)

支票捐款

支票抬頭請填寫「財團法人西蓮教育基金會」。

CBETA is part of Seeland Educational projects, any donation (ex- cheques, remittance, etc.,) please entitle to "The Seeland Education Foundation".
